

78
- L'ATTESA -
-

La nott'è calma e sirena
e no anda nisciun ventu,
in celu la luna piena
allegra lu filmamentu,
ma lu me cor'è in pena
ed è mannu lu tulmentu.

Aspittendi notte e di,
socu la passon'amata
sazzendini di pignì
cant'è longa la nuttata !
Veni, prima di fa di,
veni, molli suspirata.

Canta pucioni di stria
fa istrippà lu me cori,
pal me no v'ha alligria
siddu m'è manca l'amori.
meddu molta mi 'ulla
isfatta da lu dulari.

Ed è mannu lu dulari
di ca aspetta e no veni
chi mali mannu è l'amori
candu ti bruegja illi 'eni
e no s'agatta middori
pa allivià li peni.

Cant'è mannu lu tulmentu
d'un'anima ch'è in pena!
Cantend'è la filumena
a cunsulà lu me pientu.
La nott'è calma e sirena
e no anda nisciun ventu.

Avvilguiggja be' lu me fiddolu,
chissa steddaccia no anda pal te,
aggju lu oor'in bolu
lacala sta e poni ment'a me.

S'ha pitturatu l'occhj
e ha li labbri tinti
ha li faldetti supra li 'inocchj
e li pinnuli finti.

Ha una incrisgiatura
candu si 'olta pal vidé a te
e una scollatura
fatt'apposta pa dassi a vidé bè.

Iu chintareddu ha fini
e li carrucchi bè avvassati
no v'ha nudda di dini
ha ancora li pili ben taddati.

Tuttu chist'anda bè, lu me fiddolu,
e no v'aria mali
a me dispiaci solu
ch'illu cialbeddu no v'aggja sali.

Mi rincresci a vidella caminendi
cu la passona tolta
idd'anda siazzendi
e la jenti si 'olta.

si 'olta e sinni ridi
chi no se beddi chissi mumentì
e idda no s'avvidi
e li pàrini tutti complimenti.

Iu me fiddolu, no tilla piddà
sinnò la risa casca innant'a te,
làcala siazzà
làcal'andà e poni ment'a me.

-- INVITU --

E' lu meddu paesi di Gaddura
e no è vantu chi mi 'oddu dà,
no si pati nè caldu nè fritura,
viniti si vuleti cumpruà.

Viniti si vuleti fa la proa,
a cassisia ora di la di,
andetiinni a la Fontana Noa
chi chi, gja vi pudeti diilti.

E pal bi ea frisca e cristallina
d'alzà a Rinaggju vi cunveni,
chi no s'agatta meddu medicina
pa sanà lu dulori di li reni.

Emu li monti ed emu la pianura
vial'umbrosi e lochi soleggiati,
viniti si vuleti fa la cura
sànani lestri tutti li malati.

Si vuleti magnà irritaddatu
ua niedda nostra e fermentinu,
Sidd'aéti lu gustu delicatu
abà v'aggju ignittatu lu caminu.

Abà v'aggju ignittatu lu paesi
undi pudeti bi li 'ini boni,
ci'ha meli, piri e fichi calabresi
ci'ha muscateddu e ci'ha muscateddoni.

E siddu vi 'uleti a cujuà
ci'ha ancora una bedda ciuintura,
in Tempiu si pò isciuarà
ch'è lu meddu paesi di Gaddura.